

Nanzlumz Gaem Va Haenx

难忘那一束山花

□ Vangz Gijveiz/黄启维

(ciep geizgonq)

Roengzdangz le, gou lwnh gij gojgaeq baihrog hawj gyoengq hagseng dingq: Ndawsingz miz haujlai laeuz sang, deng dot mauh roengzdaeu le cij ndaej yawjraen dingj, gwnz goengloh ngoenzngoenz miz giceh buet bae buet dauq, ndaw haij gvangqlangh yawj mbouj raen haenz mbouj raen bien……Gyoengq doengzhag cungj dingq ndaej haeujsim lili.

Ngoenzhaenx banhaet, gou dawz saw yaek bae gyausiz hwnjdangz, sawqmwh, sam nienzgaep hagseng Siujsingh roq dou byaij haeuj ndaw fuengz gou daeu, ndaw fwngz de bungjdawz gaem vamoq angjo ndeu, de naeuz: “Lauxsae, hoh mwngz ngoenzci et vaiqvued! Dou gizneix liz haw gya e lai, mboujmiz laex gijmaz soengq hawj mwngz, gaem vamoq neix dwg dou daj gwnzbya mbaet aeu daeu, gou dai byauj daengx ban sam cib it boux doengzhag sim’ ei q soengq hawj mwngz.” Seizhaenx, gou cij raemqrwnq siengj daengz ngoenzneix dwg ngoenzci et lauxsae. Gou cie p aeu gaem vamoq haenx cuengq youq gwnzdaiz, sikhaek, ndaw aenfuengz iq gou mbin rim heiq va rangrgrwg, seizneix,

aenndaeng gou miz di soemj, raemxda ciuzngvih lo. Youq ngoenzci et bonjfaenh sou ndaej yiengh laex gig daegbied neix, gou baenzlawz mbouj gikdoengh ne? Neix dwg gou baez daih’it sou ndaej laex ngoenzci et lauxsae, gij laex hagseng soengq neix cie q dijbauj. Seizhaenx, gou roxnyinh gou dwg boux lauxsae gwnzbiengz cie q vuenyungz ndeu, caenhguenj gij laex haenx cij dwg gaem vamoq daj gwnzbya mbaet daeu ndeu.

Gou mboujmiz leixyouz ienq naeuz ndwenngoenz doi q gou mbouj goengbingz, hix mboujmiz leixyouz cai q ndawsim doeknai q, engq mboujmiz leixyouz mbouj son ndei bang lwngyez dwggayez ndawrungh neix.

Youq ndawrungh sonhag geij bi haenx, dwg bang hagseng ndeigyaez neix buenx gou angqriu, sawj gou mbouj rox gadog, sawj gou mizsim nyinhcaen sonhag, doeklaeng aeundaej cingzcik ndei. Ndae j yienghneix gangj, gizhaenx dwg aen diegcoj daihngaih gou, baeznaengz, gyoengq vunzmbanj swnhheiq dwggyaez haenx cungj dongx gou naeuz: “Lauxsae ndei ha, ndaejhoengq bae ranz gou youz nw!” Gaenq geiq



mbouj ndaej miz geijlai baez yienghneix: Gyanghaet ninz ndiu hwnqcong, yawjraen bakdou cuengq miz haeuxdae q, lwgbieng, byaekheu, makmaenj……

Youq ndaw ndwenngoenz sinhoj haenx, couh suenq gyoengq beixnuengx ndawmbanj mbouj soengq hawj gij doenghyiengh neix, couh suenq diuzgen sinhoj baenzlawz, gou hix aeu louz roengzdaeu, couh dwg vihliux gyoengq lwngyez dwggayez ndawrungh de!

Gyangngoenz, gou dai q gyoengq hagseng haenx doegsaw, hag sij ngoenzgeiq, guhcaemz duzromh dawz gaeqlwg……daengz haemh vunz ninz caemrgrwg, duzdaek duznengz youq seiqcawq heuhdikdik, gou couh

youq lajdaeng beigo, gaij cozyez, sij faenzcieng……

Gou boux dog youq aen hagdangz haenx sonhag sam bi, doeklaeng baihgwnz diuh gou daengz lingh aen hagdangz sonsaw, gou aeu lizhai aen mbanj iq ndawrungh neix, lizhai gyoengq lwngyez haet doi q da haemh doi q naj haenx. Ngoenzhaenx, gou yaek lizhai, gyoengq beixnuengx ndawmbanj daeu lo, gyoengqde naeuz: “Vangz lauxsae ha, vihliux bang lwngyez ndawrungh neix, mwngz mbouj ngah diuh okbae ndei lwi? Couh suenq dou gouz mwngz lo.” Gyoengq hagseng haenx hix aeng raemxda yaek daej naeuz: “Lauxsae, dou sij mbouj ndaej mwngz ha, mwngz mbouj bae, daengz ngoenzci et lauxsae, dou lij bae gwnzbya mbaet gij va cie q ronghsien cie q gyaunde i daeu soengq hawj mwngz bw, gaej bae lo!” Gou hix mbouj rox guhlawz gangj cijndei, cij naeuz: “Gyoengq doengzhag ha, sou dwg lwggvai, neix dwg baihgwnz anhbai z, Vangz lauxsae diuh bae le lij miz boux lauxsae engq ndei daeu son sou, daengzcog ndaejhoengq gou lij dauq yawj sou……” Aensim gou miz di luenh, sij mbouj ndaej gyoengqde, hoengq, doeklaeng gou lij dwg lizhai lo.

Bi’ gvaq, gou diuh daengz aen siujyoz yienhsingz sonsaw. Seizneix, cib’ it bi gvaqbae lo, aen mbanji q ndawrungh gya e haenx lij dwg youq gizde, gyoengq hagseng bide gou son haenx, mizmbangj gaenq dayoz bizyez okdaeuj guhhong lo, mizmbangj gaenq baenzgya baenzranz lo. Ngoenzneix, aen ci et lauxsae bineix yaek daengz lo, gou youh siengj hwnj bide gaemva rangrgrwg gyoengq lwghag gou daj gwnzbya mbaet ndaej soengq hawj gou haenx, siengj hwnj gyoengq hagseng dwggayez caeu q gyoengq beixnuengx swnhheiq ndawrungh haenx daeu.

(sat)

Seiz haeuxcaeux cienj haeuj ndaw naz bae guenj, yaek ganq go’ gyaj haeuxlaeng haenx, ciuq gij cingsaenz cijsi Veiz Gozcingh, Swcigih Nungzyezdingh iucingj le bang dai byauj vunzguhnaz Cauzsan bae daengz Namzningz doxcomz, doxging haeuxcaeux ganqgyaj, guenjleix dajndaem gij gingniemh caeu q haeuxlaeng ganqgyaj gij yigen. Veiz Gozcingh caeu q Ho Hihmingz, Anh Bingzswng h swnh baez seizndei neix, dai byauj Swcigih Dangjveij caeu q Swcigih Cwngfuj cingzndat angqcoux gij bouxak dajndaem Cauzsan daeu j daengz, caemhcai q cungsim gyo’ mbai q gyoengqde bang aeu ndaej baenzlai hongndaej.

Veiz Gozcingh doi q gij dai byauj bouxak dajndaem Cauzsan naeuz: “Sou dwgrengz lai lo, dou sam boux dai byauj swcigih daeu j ngonz daihgya, it dwg gyo’ mbai q, ngeih dwg angqhoh.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Sou swng hcanj sizcenj, rom ndaej caeu q swnjciep ndaej haujlai gingniemh swng hcanj vunzgonq, dijbauj raixcaix. Sou canghndaemnaz, dinfwngz gvai, gingniemh ndei, guh hong ndaej ndei lailai, dwg gij canghhag caencingq dahraix. Guengjsae lij doeklaeng, gyo’ mbai q sou soengq gij gingniemh ndei neix hawj dou. Vunzguhnaz Guengjsae mboujdanh gingqboiq gij bonjsaeh ak sou, lij haenx gij fungek

gungcanjcui yi sou. Sou youq lajmbanj doi gvangq dinfwngz senhein, itdingh ngaiz bungzdeng gak cungj swhsiengj baujsouj. Doiq gij vunz swhsiengj baujsouj haenx, muengh sou yaengyaeng son, ndeindei bang, sou guh yienghbanj okdaeuj le, gyoengqde cix rox gaijbienq daidu, riengz gyoengqsou hag lo.”

Ho Hihmingz, Anh Bingzswng h lij cam le gyoengqde daeu j daengz Guengjsae sibgvenq mbouj sibgvenq,

guh hong, gwndaenj miz maz haemzhoj. Gyoengqde naeuz, gyoengqde daengz Guengjsae, gak dieg lingjdauj caeu q vunzlai cungj gig dingjrenz caeu q gvansim gyoengqde, mbouj miz maz gannanz, cibfaen docih gij goengdaeuz swcigih daeu j yawj gyoengqde, gyoengqde laemxsim caeu q daengxcungq vunz dangdieg doengzcae z vihliux Guengjsae ndaej ok engq lai haeux bae roengzrenz.

(caengz sat)